

# ଯାକୁବକ ପତ୍ର ଜାକ୍‌ବତି ଆଜି ଜାକ୍‌ବ ଆଜି ବିସ୍ତେନି ପାଦେକ୍

ଜାକ୍‌ବ ପତି ଜାକ୍‌ବ ତରଫ କୁକ୍ୟାତି ରଞ୍ଜାନ୍ ମୁଣିକାତାଂ ଲେକା ଆତାନ୍ନା । ଇ ଜାକ୍‌ବ ଆଜି ମାନ୍‌ଗାନାତ୍ ଜିସୁ କ୍ରିସ୍ତୁତି ଟଣ୍ଡେନ୍ ମାତାନ୍, ଇନେନ୍‌କି ଆଗେନି ମଣ୍ଡଲିନି ରଞ୍ଜାନ୍ ନେତା ମାଞ୍ଜାନ୍ ଆରି ଜିରୁସାଲମ୍‌ନି ସବାନି ମେମର୍ ମାତାନ୍ ପକ୍ୟାତାକା ୧୫:୧୩ ପକ୍ୟାତି ପାଉଲ୍ ପା ଜାକ୍‌ବଂ ମଣ୍ଡଲିନି ମୁଣ୍ଡା ଇଞ୍ଜି କୁକ୍‌ନାନ୍ ଗାଲୀତିୟ ୨:୯ । ଜାକ୍‌ବ ପତି ଜିସୁକ୍ରିସ୍ତୁତି ୫୦ ବାର୍ହୁ ପାଚେ ଲେକା ଆତାନ୍ନା ଇଞ୍ଜି ବାଇବଲ୍ ପଣ୍ଡିତ୍‌କୁର୍ ପାତ୍ କିତାର୍ । ଜାକ୍‌ବ ଜିରୁସାଲମ୍ ମଣ୍ଡଲିନି ନେତା ମାତାନ୍ ଲାଗିଂ ଆଜି ମାନ୍‌ଗାନାତ୍ ହେବେ ବାହା କିଜି ମାନିହିଂ ହେଞ୍ଜାନ୍ ଇ ପତି ଲେକିକିଜି ମାତାନ୍ । ଜାକ୍‌ବ ଦେସ୍‌ନି ଜେଡ଼େକେଡ୍ ଆଜି ମାନି ବାର୍ କୁଟୁମ୍‌ତିଂ ଜାଣାତିନା କିନାନ୍ ୧:୧ ।

ଜାକ୍‌ବ ପତି ବେବାର୍ କିଦେଞ୍ଜ୍ ଓଜାକାର୍ କ୍ରିସ୍ଟିୟାନାତ୍ କାଜିଂ ମାତାତ୍, ମାତର୍ ବାର୍ କୁଟୁମ୍ କାଜିଂ ବେବାର୍ କିତାକା ସବଦ୍ ଜାକ୍‌ବ ସିଦା ଜିହୁଦିର୍ କ୍ରିସ୍ଟିୟାନିଂ ଲେକିକିଜି ମାତାନ୍ । ଇନେକିଦେଂକି ଇ ପତି ଜେଡ଼େକେଡ୍ ବାବ୍ରେ ମାନି ପଡ଼ିକିନାକାରିଂ ଏକିକିଦେଂ ବିସ୍ତେ ଟିକ୍‌ଶା ହିନାତ୍ । ଜାକ୍‌ବ, ପାତ୍ ଆରି କାମାୟତ ବେସି ମେହାଶ୍ ଜପି ଚଟି ଇନାନ୍ ଜେ, ହାତ୍‌ପା ପାତ୍ କାମାୟତ ହୁଡ଼ୟାନାତ୍ ୨:୧୭ ହେଞ୍ଜାନ୍ ମାଜାନ୍ ମାନାୟତିଂ ମୁକ୍‌ମେଟ୍ ବିସ୍ତେ ଜାଗ୍ରତ୍ କିନାନ୍ ୨:୧-୪ ଡ଼କ୍‌କି ଇଡ଼ଜି କାତାବାର୍ତ୍ତା କିନି ବିସ୍ତେ ଜାଗ୍ରତ୍ ଆଦେଂ ଖେଟ୍‌ନାନ୍ । ୩:୧-୧୨

## ପତି ବିସ୍ତେନି ରାହାଣ୍

- ୧. ଜାକ୍‌ବ ତା ପତି କିନାକାରିଂ ବାନ୍ଦାୟ କିନାନ୍ ୧:୧
- ୨. ହେଞ୍ଜାନ୍ କ୍ରିସ୍ଟିୟାନିଂ ଦୁକ୍ ଖେଡ଼ାଲିଂ ସାସ୍‌ତାଂ ମାଞ୍ଜେଞ୍ଜ୍ ଖେଡ଼ତି ମାତାନ୍ ୧:୨-୨୭

୩. କାମାୟତା<sup>୧</sup> ଇନେସ୍ ପାତ<sup>୨</sup> ଚର୍ଚ୍ଚେଙ୍ଗ ଲଡ଼ା ହେ ବିସ୍ତେ  
ଇନାନ ୨:୧-୨୬
୪. ବଚନ୍ ଇନେସ୍ ସାକ୍ତି ଆଦେ<sup>୩</sup> ଆଡ଼ନାଡ଼ ହେ ବିସ୍ତେ  
ଲେକିକିତାନ୍ନା ୩:୧-୧୨
୫. ଜାକବ ଇସ୍ବରତି ଗିଆନ୍ ଜଗଡ଼ନି ଗିଆନ୍ତା<sup>୪</sup> ବିନ୍ ଆଜି  
ମାନ୍‌ଗାନାଡ଼ ହେଦା<sup>୫</sup> ଲେକି କିତାନ୍ନା ୩:୧୩-୪:୧୦
୬. ପାଚେ ହେଝାନ୍ ପଡ଼ି କିନାକାରି<sup>୬</sup> ଗାବ<sup>୭</sup> ଆଞ୍ଜି ବିସ୍ତେ ସିକ୍ୟା  
ହିନାନ ୪:୧୧-୫:୬
୭. ହାରିହାରା ଜାକବ ଏଚେଗଟା ବିସ୍ତେ ବଲ୍ ହିଜି ଲେକିକିନାକା  
ଝିହ୍ନାନ ୫:୭-୨୦

### ଜାକ୍ବତି ଆକି

<sup>୧</sup> ଆନ୍ ଜାକ୍ବ ଇସ୍ବରତି ଆରି ମାପୁ ଜିସୁ କ୍ରିସ୍ତତି ଆଡ଼ିଏନ୍, “ସବୁ ଜଗଡ଼ନି ଜେଡ଼େକେଡ଼ ଆଜି ମାନି ଇସ୍ବରତି ମାନାୟାରି<sup>୧</sup> ଜୁଝାରି କିଜି ଇ ଆକି ଲେକିକିନାକା ।”

### ପାତ<sup>୨</sup> ଆରି ହୁଦାର

<sup>୨</sup> ଏ ନା ଟଣ୍ଡାର ଆରି ତଣ୍ଡାଦେକ୍, ଏପେଙ୍ଗ ଏଚେକାଡ଼ଦ ବାର୍‌ବିନ୍ ଦୁକ୍ କସ୍ତୁ ଝାତିସ୍, ହେଦା<sup>୩</sup> ହାର୍ କାମାୟ ବିସ୍ତେ ଇଞ୍ଜି ବାବି କିୟାର୍; <sup>୩</sup> ଇନେକିଦେ<sup>୪</sup>କି ଏପେଙ୍ଗ ପୁନାଟ୍, ଏଲେଙ୍ଗ୍ ବାନି ଦୁକ୍ତ ଦୁକ୍ ଗିଟାଆଦନି ଝେଡ଼ାଲି<sup>୫</sup> ପରିକ୍ୟା ପାତ<sup>୬</sup> ତ ତିର୍ ମାତିସ୍, ସମାଲିକିନି ସାକ୍ତି ବାଡ଼ାଆନାଡ଼ । <sup>୪</sup> ଆରେ, ଏପେଙ୍ଗ ଇନେସ୍ ଇମ୍‌ଣି ବିସ୍ତେ ଉଣାଝାଦା<sup>୭</sup> ବାତ<sup>୮</sup> ଆରି ପୁରା ଆଡୁ, ଇଦା<sup>୯</sup> କାଜି<sup>୧୦</sup> ହାରିହାରା ପାଚେକ୍ ହୁଦାର ଆଜି ମାନାଟ୍ । <sup>୫</sup> ମାତର ମି ବିତ୍ରେ ଏଚେକାଡ଼ଦ ଇନେରତି ଗିୟାନିନି ଅବାବ୍ ମାତିସ୍, ବାଟିଙ୍ଗ୍ ଇମ୍‌ଣି ଇସ୍ବର ଦସ୍ ଆହ୍‌ଝାଦା<sup>୧୧</sup> ମେଲା କେଇଦା<sup>୧୨</sup> ଝିଜାରି<sup>୧୩</sup> ଦାନ୍ କିନାନ, ହେଝାକ୍ତି ଲାଗେ ହେଝାନ୍ ପାର୍ତାନା କିଏନ୍, ହେବେଣ୍ଡା<sup>୧୪</sup> ହେଝାନି<sup>୧୫</sup> ହିଆନାଡ଼ । <sup>୬</sup> ମାତର ହେଝାନ୍ ଅଲପ୍ ମତର ଆନ୍‌ମାନ୍ ଆଝାଦା<sup>୧୬</sup> ପାତ<sup>୧୭</sup> ହୁକେ ପାର୍ତାନା କିଏନ୍, ଇନେକିଦେ<sup>୧୮</sup>କି ଇନେର ଆନ୍‌ମାନ୍ କିନାର୍, ହେଝାନ୍ ଡ଼ୁକ୍‌ଦା<sup>୧୯</sup> ଇନିହାୟନି ତାଙ୍ଗନି ହାମ୍‌ଦୁରନି ଲଡ଼ି ଲାକେ । <sup>୭</sup> ହେ ଲାକେ ମାନାୟ ମାପୁତାକେଣ୍ଡା<sup>୨୦</sup> ଅଲପ୍ ଗାଟାନାନ୍ ଇଞ୍ଜି ବାବି କିମେନ୍ ।

୮ ହେୱାନ ତ ରିମାନ୍ୟା ମାନାୟ, ଜାରତି ଝିଜୁ ତାଙ୍ଗତି ତାଙ୍ଗ ତିର୍ ଆକାୟ ।

### ମାଜାନ ଆରି ଅକର୍ତ୍ତ

୯ ଅକର୍ତ୍ତ ଅବସ୍ତାତ ମାନି ଟଣ୍ଡାର ଜାରତିଂ ନିଙ୍ଗିନି ବିସ୍ତେ ଗରବ୍ କିଏନ୍, ୧୦ ମାଜାନ କ୍ରିଷ୍ଟ ପାତର୍ କିନାକାନ ଜାର ଅକର୍ତ୍ତ ଝେଡାଲିଂ ଗରବ୍ କିଏନ୍, ଇନେକିଦେଂକି କାତ୍ରାନି ପୁଇ ଲାକେ ହେୱାନ ହାଡ଼ଜି ହାନାନ୍ । ୧୧ ଲାଗିଂ ଝେଡା ନାଡ଼ିହିଂ ହତିସ୍ କାତ୍ରା ଇନେସ୍ ଝାଜଜି ହାନାଡ଼ ଆରି ହେବେନି ପୁଇ ହାଡ଼ଜି ହାନାଡ଼ ଆରେ ହେଦାଂ ନି ହଲନାକା ଡଗୁଜି ହାନାଡ଼, ହେ ଲାକେ ମାଜାନ ଲଗୁ ଜାରତି ସବୁ ମିକାଲିଂ ମୁରଜା ଆନାଡ଼ ।

### ପରିକ୍ୟା ଆରି ଲବାୟ କିନାକା

୧୨ ଇମ୍ଫଣି ଲଗୁ ପରିକ୍ୟାତ ହୁଞ୍ଜେଙ୍ଗ୍ ଆଡ଼ନାନ୍, ହେୱାନ ଦନ୍ୟ, ଇନେକିଦେଂକି ମାପୁ ଜିଉନନି ଜାର ଲକାରିଂ ଇମ୍ଫଣି ଜିବୁନ୍ ବାତର୍ ମୁକୁର୍ ହିଦେଂ ପାମାଣ୍ କିତାନ୍ନା, ପରିକ୍ୟାସିଦ୍ ଆତି ପାଚେ ହେ ଲକୁ ହେ ମୁକୁର୍ ଗାଟା ଆନାନ୍ । ୧୩ ଇନେର୍ ପରିକ୍ୟାତ ଆତିସ୍, ନାଦାଂ ଇ ପରିକ୍ୟା ଇସ୍ଵରତି ନିପ ଆନାତା ଇଞ୍ଜି ଇନ୍ମେନ୍, ଇନେକିଦେଂକି ଇସ୍ଵର୍ ବାନ୍ୟାତ ପରିକ୍ୟା ଆଦେଂ ଆଡୁନ୍, “ଆରେ ହେୱାନ ନିଜେ ଇନେରିଂ ପରିକ୍ୟା କିତନ୍ ।” ୧୪ ମାତର୍ ଝିଜାର ମାନାୟ ଜାର କାମାୟ ହୁକେ ଚର୍ନାକା ଆରି ଚାକ୍ରାୟ ଆଜି ପରିକ୍ୟାକିୟା ଆନାନ୍; ୧୫ ମାତର୍ ବାନ୍ୟା କାମାୟତ ଗରବ୍ତ ପାପ୍ କୁର୍ନାଡ଼, ଆରେ ପାପ୍ ବେସି ଗାଜାଜି ହାକିତିଂ ଜଲମ୍ ହିନାଡ଼ ।

୧୬ ଏ ନା ଝାରିନି ଟଣ୍ଡାର ଆରି ତଣ୍ଡେକାଦେର୍, ବୁଦିବାଣାମାଟ୍ । ୧୭ ଝିଜୁ ହାରଦି ଦାନ୍ ଆରି ଝିଜୁ ହାର୍ଦାକା ହିଦନାକା ଜପିତାଂ ଇତିସ୍ ହୁକାଂତି ବଝାତାଂ ଝାନାଡ଼, ଇଝାରତାଂ ଇମ୍ଫଣି ବାଦଲାନାକା କି ଅଲପ୍ ପା ବାନ୍ୟା ଆକାୟ । ୧୮ ଆପ୍ ଇନେସ୍ ହେୱାଡ଼ି ଉପ୍‌ଜାଣ୍ ବିସ୍ତେ ବିଡ୍ରେ ର ବାନି ପର୍ଡୁମ୍ ପାଡ଼ ଲାକେ ଆନାସ୍, ଇଦାଂ କାଜିଂ ହେୱାନ ଜାର ଇଚା ହୁଦାଂ ହାଡ଼ପା ବଚନ୍ ହୁଦାଂ ମାଙ୍ଗ୍ ଉପ୍‌ଜାଣ୍ କିଡ଼ତାନ୍ ।

### ଝେନାସ୍ ଆରି କାମାୟ କିନାସ୍

୧୯ ଏ ନା ଖାରିନି ଟଣ୍ଡାର ଆରି ତଣ୍ଡେକାଦେର, ଏପେଙ୍ଗ ଇଦାଂ ପୁଚାଦେଣ୍ଡା । ହିର୍ନେ ଜାଣ୍ ଖେଞ୍ଜେଙ୍ଗ ଜାଲ୍ଲଦି, ଇନିତାକେ ବିଝାହିଂ ଆରେ ଟାକ୍ରି ଆନିହିଙ୍ଗ ହୁଦାର୍ ଆଡ, ୨୦ ଇନେକିଦେଂକି ମାନାୟ୍ତି ଟାକ୍ରି ଇସ୍ପରତି ଇଚା ଦାମ୍ ତ କାମାୟ୍ କିଡ଼ତ୍ । ୨୧ ଲାଗିଂ, ଏପେଙ୍ଗ ଖିନ୍ନୁ ବିଚାଡ୍ ଆରି ସବୁବାନି ଉଡ଼ପାଡ଼ ପିସ୍ତି, ଇମ୍ଫଣି ରୁସ୍ତି ବଚନ୍ ମି ଖାସ୍ତିତିଂ ମୁକ୍ତି କିଦେଙ୍ଗ କାଜିଂ ରାଜି, ହେଦାଂ ହୁଦାର୍ତାଂ ଇଟାଟ୍ ।

୨୨ ମାତରୁ ଖେନାକାର୍ ଆଜି ଜାର୍ତିଂ କେଡ଼ଝାଦାଂ ମାତରୁ ବଚନ୍ତ କାମାୟ୍ କିନାକାଦେର ଆଡ । ୨୩ ଇନେକିଦେଂକି ଜଦି ଇନେରୁ ବଚନ୍ତ କାମ୍ଲିୟା ଆଝାଦାଂ ଖେନାକାର୍ ଆନାର୍ ବାଟିଙ୍ଗ୍ ହେଝାନ୍ ଦାପାଣ୍ ଜାର୍ ମୁମ୍ ହୁଡ଼ତି ମାନାୟ୍ ଲାକେ । ୨୪ ଲାଗିଂ ହେଝାନ୍ ଜାର୍ତିଂ ହୁଡ଼ତି ପାଚେ ହାଲ୍ଲଜି, ହେଝାନ୍ ଇନେସ୍ବାନି ମାନାୟ୍, ହେଦାଂ ହେ ଦାପ୍ରେ ବାଣାନାନ୍ । ୨୫ ମାତରୁ ମାନାୟ୍ ମୁକ୍ତାନି କାଜିଂ ର ପୁରା ବିଦି ମାନାଡ଼ । ଇନେନ୍ ହେଦାଂ ଖେନ୍ଝି ବାଣାଆଉନ୍ ଆରି ତା କାଜିଂ ସବୁତାକେ ମାନ୍ହିଜି ଜାର୍ ଜିବୁନ୍ତ ପାଲି କିନାନ୍, ତା ସବୁ କାମାୟ୍ତିଂ ଇସ୍ପର ଆସିର୍ବାଦ୍ କିନାନ୍ ।

୨୬ ଜଦି ଇନେରୁ ଜାର୍ତିଂ ଦାମ୍ ଇଞ୍ଜି ବାବି କିନାନ୍, ଆରେ ଜାର୍ ଖେନ୍ନୁଲ୍ତିଂ ମଦାୟ୍ କିଞ୍ଜିତିସ୍ ଜାର୍ ମାନତିଂ ନିନ୍ଦାକିତିସ୍, ହେଝାନ୍ତି ଦାରୁମ୍ତି କାମାୟ୍ ସବୁ ପଲ୍ୟା । ୨୭ ଚୁରାର୍ ଆରି ରାଣ୍ଡିକାଂ ହେଝାର୍ତି ଦୁକ୍ ଖେଡ଼ାଲିଂ ସମାଲିକିଦେଂ ଆରେ ଜଗଡ଼ତାଂ ଜାର୍ତିଂ ପାପ୍ ହିଲ୍ଲଞ୍ଜି ଲାକେ ରାକ୍ୟା କିନାକା, ଇଦାଂ ମାଦାଂ ଇସ୍ପର ଆରି ବାଝାତି ମୁମ୍ଦ ସକଟ୍ ଆରି ସକଟ୍ ଦାରୁମ୍ କାରୁମ୍ ଆନାଡ଼ ।

## ୨

### ମୁକ୍ତମେଟ୍ ହୁଡ଼ଜି ବିଚାର୍

୧ ଏ ନା ଟଣ୍ଡାର ଆରି ତଣ୍ଡେକାଦେର, ଆସେଙ୍ଗ୍ ଜାଜମାଲ୍ଲିନି ମାପୁ ଜିସୁ କ୍ରିସ୍ଟାକେ ପାଚ୍ କିଜି ମାତିଲେ ମାନାୟ୍ତିଂ ମୁକ୍ତମେଟ୍ କିମାଟ୍ । ୨ ଇନେକିଦେଂକି ଜଦି ହନା ଝାଡୁସ୍ ଆରି ଜିଲ୍ଲମାଲ୍ ଆଜିଙ୍ଗ୍ କି ହେନ୍ଦ୍ରା ଉସ୍ପିସ୍ ଇମ୍ଫଣି ମାନାୟ୍ ମି କୁଚୁମ୍ ଇଞ୍ଜି ଝାତିସ୍, ଆରେ ରଝାନ୍ ଅକ୍ ତ ଲଗୁ କାନ୍ଝି ଆଜିଂ ଉସ୍ପିସ୍ ଝାତିସ୍, ୩ ଆରେ, ଏପେଙ୍ଗ୍ ଜିଲ୍ଲମିଲ୍ ହେନ୍ଦ୍ରା ଉସ୍ପିତି ମାନାୟ୍ତିଂ ମର୍ଜଦା କିଜି ଇନାଟ୍,

“ଇବେ ହାଦି ବାହାତ କୁଚେନ୍, ଆରେ ଅକିତ୍ତୁ ମାନାୟତିଂ ଇନାଟ୍, ହେବେ ନିଲା, କି ତାରେନ୍ କୁଚେନ୍,”<sup>୪</sup> ତା ଆତିସ୍ ଏପେଙ୍ଗ ଇନାକା ଜାର୍ ଜାର୍ ବିତ୍ତେ ହାରୁଗାଜା ଇଡ଼୍ଜି ମୁକ୍ତମେଟ୍ ବେବାର୍ ଆରି ବାନାମା ବାବ୍ରେ ବିଚାର୍ କିନାଦେରା ।

<sup>୫</sup> ଏ ନା ଖାରିନି ଟଣ୍ଡାର୍ ଆରି ତଣ୍ଡେକାଦେର, ଖେନାଟ୍, ଇସ୍ବର ଇନାକା ଇ ପୁତ୍ତ ନଂଜରତ ଅକିତ୍ତୁ ଲକୁରିଂ ପାତ୍ତ ଲାକେ ଦନ୍ତ ମାଜାନ୍ ଆଦେଂ ବାଟି କିଖାତାନନା କି, ଆରେ ଜାର୍ ଜିଉନନାକାରିଂ ଇମଣି ରାଜି ହିନାନ୍ ହେବେନି ଆଦିକାର୍ ଆନି କାଜିଂ ପାର୍ମାଣ୍ ହିତାନ୍ନା, ହେବେନି ଆଦିକାର୍ ହିଦେଂ କାଜିଂ ବାଟି କିଖାତାନ୍ନା ?  
<sup>୬</sup> ମାତର୍ ଏପେଙ୍ଗ ଅକିତ୍ତୁ ମାନାୟାରିଂ ଜିଉନଉଦେରା । ମାଜାନିଂ ଇନାକା ମି କାଜିଂ ଇନସ୍ତା କିଦୁର୍ ଆରି ଏପେଙ୍ଗ ବିଚାର୍ଣ୍ଣା ବାହାତ ଜେଲ୍ଜି ଅଦୁର୍ ?  
<sup>୭</sup> ଇମଣି ଜିସୁ କ୍ରିଷ୍ଟି ତରଦ ଏପେଙ୍ଗ ତାକ୍ପୁଟା, ହେଖାର୍ ଇନାକା ହେ ତରଦ ନିୟା କିତର୍ ?

୮ ଏପେଙ୍ଗ ଜାର୍ ପାଡ଼ହାଲୁଗାଂ ଖାସ୍ତିଲାକେ ଜିଉନଖାଟ୍ ସାସ୍ବର ଇ ରାଜାତି ବିଦି ଜଦି ହାତ୍ପା କାମାୟ ପାଲି କିନାଦେରା, “ତା ଆତିସ୍ ଏପ୍ ହାର୍ କାମାୟ କିନାଦେରା ।”  
<sup>୯</sup> ମାତର୍ ଜଦି ମାନାୟତିଂ ମୁକ୍ତମେଟ୍ କିନାଦେରା, ତା ଆତିସ୍ ଏପେଙ୍ଗ ପାପ୍ କିନାଦେରା, ଆରେ ହେ ମସାତି ବିଦି ହୁଦାଂ ଦସି ଇଞ୍ଜି ପାର୍ମାଣ୍ ଆନାଦେର୍ ।  
<sup>୧୦</sup> ଇନେକିଦେଂକି ଇନେର୍ ଖିଜୁ ମସାତି ବିଦି ପାଲି କିଜି କେବଲ୍ ରଞ୍ଜାଙ୍ଗ୍ ବିସ୍ତେ ଆସ୍ବାର୍, ବାଟିଙ୍ଗ୍ ହେଖାନ୍ ଖିଜୁ ମସାତି ବିଦି ଉଡାନି ଦସ୍ତ ତାଣ୍ ପାୟାନାନ୍ ।  
<sup>୧୧</sup> ଇନେକିଦେଂକି ଇମଣି ଇସ୍ବର ଦାରି କିମାଟ୍ ଇଞ୍ଜି ଇଞ୍ଜି ମାଞ୍ଜାର୍, “ହେଖାନ୍ ପା ନାଦିଂ ଅହ୍ମାଟ୍ ଇଞ୍ଜି ଇଞ୍ଜି ମାଚାନ୍,” ଲାଗିଂ ଏପେଙ୍ଗ ଜଦି ଦାରି କିଖାଦାଂ ନାଦିଂ ଅହ୍ନାଦେର୍, ତେବେ ମସାତି ବିଦି ଉଡାନାକାଦେର୍ ଆତାଦେର୍ଣ୍ଣା ।  
<sup>୧୨</sup> ମୁକ୍ତାନି ଦିନ୍ ବିଦି ଲାହାଙ୍ଗ୍ ଜେ ଏପେଙ୍ଗ ବିଚାର୍ କିୟାଆନାଦେର୍ ଇଦାଂ ପୁନ୍ଞି ହେ ଲାକେ କାତା ଇନାଟ୍ ଆରି କାମାୟ କିୟାଟ୍ ।  
<sup>୧୩</sup> ଇନେକିଦେଂକି ଇନେର୍ ବିନ୍ନିକାନିଂ ଦୟା କିତନ୍, ଇସ୍ବରତାଂ ଦୟା କିତନ୍, ନିୟାୟ ବିଚାର୍ ଜପି ଦୟାନେ ଜିଶା ଆନାନ୍ ।

ପାତ୍ତ ଆରି କାମାୟ

୧୪ ଏ ନା ଟଣ୍ଡାର ଆରି ତଣ୍ଡେକାଦେର, ଜଦି ଇନେର୍ ନା ପାତ୍‌  
 ମାନାଡ଼ ଇଞ୍ଜି ଇନାନ୍, ମାତର୍ ତା କାମାୟ୍ ମାନୁଡ଼, ଲାଗିଂ ହେବେଣ୍ଡାଂ  
 ହେଞ୍ଜି ଇନା ଲାବ୍ ? ଇ ଲାକେ ପାତ୍‌ ଇନାକା ଇନେରିଂ ମୁକ୍ତି  
 କିଦେଙ୍ଗ୍ ଆଡ଼ନାଡ଼ କି ? ୧୫ ଜଦି ରଞ୍ଜାନ୍ ଟଣ୍ଡେନ୍ କି ତଣ୍ଡେଲ୍  
 ହେନ୍ଦା ଆରି ଦିନକେନି ନାସ୍ କି ଆନାଡ଼, ୧୬ ଆରେ ମି ବିତ୍ରେତାଂ  
 ଇନେର୍ ତାଙ୍ଗେଙ୍ଗ୍ ଗାଗାଡ଼ନି ଲତାନି ଏଜୁଙ୍ଗ୍ ବିରକୁଲ୍ ହିଞ୍ଜାଦାଂ  
 ଇନାନ୍, “ବିଞ୍ଜାହିଙ୍ଗ୍ ମାନା ଆରି ପାନ୍‌ଜି ସୁସ୍ତା କିଜି ହାଲା,” ଲାଗିଂ  
 ହେବେ ଇନା ଲାବ୍ ? ୧୭ ହେ ଲାକେ ପା ପାତ୍‌, କାମାୟ୍ ପିସ୍ତି ନିଜେ  
 ପାତ୍‌ ତ ହାକି ।

୧୮ ମାତର୍ ଇନେର୍ ପା ଇନାର୍ ରଞ୍ଜାନ୍ତି ପାତ୍‌ ମାନାଡ଼, “ଆରେ  
 ବିନ୍ ନିକାରତି କାମାୟ୍ ମାନାଡ଼, କାମାୟ୍ ପାରେ ମି ପାତ୍‌ ନାଙ୍ଗେଙ୍ଗ୍  
 ଚର୍ଚାଟ୍, ଆରେ ଆନ୍ କାରୁମ୍ ଲାହାଙ୍ଗ୍ ମିଙ୍ଗେଙ୍ଗ୍ ନା ପାତ୍‌  
 ଚର୍ନାଙ୍ଗ୍ ।” ୧୯ ଇସ୍ପର୍ ଜେ ରକାନ୍ ମାତର୍, ଇଦାଂ ଏପେଙ୍ଗ୍ ପାତ୍‌  
 କିନାଦେରା ଜେ ହାର୍ କାତା, ପୁଦାଙ୍ଗ୍ ପା ପାତ୍‌ କିଜି ପାଣ୍ଡୁଡ଼ିଂ  
 ତ୍ରିଗ୍ଜି ହାନିକ୍ । ୨୦ ମାତର୍ ଏ ନିରବୁଦିୟା ମାନାୟ୍ କାମାୟ୍ ପିସ୍ତି  
 ପାତ୍‌ ଜେ ପଲ୍ୟା, ଇଦାଂ ଇନାକା ପୁନ୍‌ଞ୍ଜାତାୟ୍ନା ? ୨୧ ମା  
 ଆବା ଲାତ୍ରା ଅବ୍ରାହାମ୍, ଇସ୍ପର୍ତି କାଣ୍‌କୁତ ଇନେସ୍ ଦାମ୍‌ ଇଞ୍ଜି  
 ଇନ୍ୟାଜି ମାତାନ୍ ? ହେଞ୍ଜାନ୍ କାମାୟ୍ ହୁକେ ଦାମ୍‌ ଇନ୍ୟା  
 ଆତାନ୍, ଏତେକାଡ଼୍ ହେଞ୍ଜାନ୍ ତା ମାଜି ଇସ୍‌ହାକ୍‌ତିଂ ଗାର୍‌ଣି ଜପି  
 ପୁଜା କିତାନ୍ । ୨୨ ଇନାକା ଏପେଙ୍ଗ୍ ବୁଜା ଆଉଦେରା ? ଜେ  
 ଅବ୍ରାହାମ୍ ପାତ୍‌ନି ତା କାମାୟ୍ ତାଙ୍ଗ୍ ମାତାଡ଼ ଆରେ କାମାୟ୍  
 ଲାହାଙ୍ଗ୍ ପାତ୍‌ ବାତ୍‌ ମାତାଡ଼ । ୨୩ ହେବେତାଂ ସାସ୍ପୁର୍ତ୍ତ ଇ  
 ବଚନ୍ ପୁରା ଆତାଡ଼, “ଅବ୍ରାହାମ୍ ଇସ୍ପର୍ତାକେ ପାତ୍‌ କିତାନ୍ ।  
 ଆରେ ତା କଚଣ୍ଡ ହେଦାଂ ଦାମ୍‌ ଇଞ୍ଜି ଗାଣାକିୟାନାଡ଼,” ଆରେ  
 ହେଞ୍ଜାନ୍ ଇସ୍ପର୍ତି ହାଙ୍ଗ୍‌ଦାକାନ୍ ଇଞ୍ଜି ତାକ୍‌ପୁଚାତାନ୍ । ୨୪ କେବଲ୍  
 ପାତ୍‌ ଲାହାଙ୍ଗ୍ ମାନାୟ୍ ଦାମ୍‌ ଇଞ୍ଜି ଗାଣାକିୟାଞ୍ଜାଦାଙ୍ଗ୍ କାମାୟ୍  
 ହୁକେ ଜେ ଇନେର୍ ଦାମ୍‌ ଇଞ୍ଜି ଗାଣାକିୟାନ୍, ଇଦାଂ ଏପେଙ୍ଗ୍  
 ହୁଡ଼ନାଦେରା ।

୨୫ ହେ ଲାକେ ପା ରାହାବ୍ ପାଦ୍‌ରା ଡ଼କୁତି ଚର୍କୁକାଂ ହେବା କିଜି ।

ବିନ୍ ହାଜି ହିଜି ହେଝାରିଂ ପକ୍ତିଲେ ଇନାକା କାମାୟ୍ ହୁଦାଂ ଦାମ୍  
ଗାଣାକିୟାଝାତାନ୍ ?

୨୭ ଇନେକିଦେଂକି ଜିବୁନ୍ ପିସ୍ତ୍ରି ଗାଗାଡ୍ ଇନେସ୍ ହାକି, ହେ ଲାକେ  
କାମାୟ୍ ପିସ୍ତ୍ରି ପାତ୍ ପା ହାକି ।

### ୩

#### ୱେୟୁଲ୍ ନି ଉତରମୁଡ୍

୧ ଏ ନା ଟଣ୍ଡାର୍ ଆରି ତଣ୍ଡେକ୍, ଏପେଙ୍ଗ୍ ଆଦିକ୍ ଗୁରୁର୍ ଆମାଟ୍;  
ଇନାକିଦେଂକି ଏପେଙ୍ଗ୍ ପୁନାଟ୍ ଜେ, ମା ଲାକେ ହିକ୍ୟା ଗୁରୁର୍ ବାଦୁଲ୍  
ବାଟା ଆଟ୍ଝା ବାବ୍ରେ ବିଟାର୍ ଆନାର୍ । ୨ ଲାଗିଂ ଆପ୍ ଝିଜାୟ୍  
ଆଦିକ୍ ବିସ୍ତ୍ରେ ପାପ୍ କିନାୟ୍ । ଜଦି ଇନେର ବଚନତ ଇନେସ୍ ଉଜୁନ୍  
ବାଟିଙ୍ଗ୍ ହେଝାନ୍ ହାର୍ ମାନାୟ୍, ଝିଜାର୍ ଗାଗାଡ୍ତିଂ ପା ଜାର୍ତିଂ  
ଇଟ୍ଦେଂ ଇଟା । ୩ ଆପ୍ ଗଡ଼ାକାଂ ରବେ କିନି କାଜିଂ ହେଝେକ୍  
ଝେଇଦ ବାକାର୍ ଗାଟ୍ଟିସ୍, ତାପାଚେ ହେଝେକ୍ତି ଗାଗାଡ୍ ପା ବୁଲ୍ଲାୟ୍  
କିଦେଙ୍ଗ୍ ଆଡ୍ନାସ୍ । ୪ ହୁଡ଼ାଟ୍, ଜାଜ୍ ପା ଏଚେ ଗାଜା ଆଜି ପା  
ଗାଜା ଡ୍ଝୁଦ ଚାଲା ଆତିସ୍ପା ର ଆଦିକ୍ ହିରୁ ହାଟ୍ଝା ଲାହାଙ୍ଗ୍  
ଆକ୍ସା ଦାରାନି ଇଟା ଲାହାଙ୍ଗ୍ ବୁଲ୍ଲାୟ୍ କିୟାଆନାଟ୍ । ୫ ଇଦାଂ  
ପା ର ଉତର ମୁଡ୍ ୱେୟୁଲ୍ କାଜିଂ ଇନ୍ୟାନି ଜର୍ । ହେଦାଂ ହାରୁଟି  
ଆତିସ୍ପା ଗାଜା ଗାଜା କାତା ଇଞ୍ଜି ଗରବ୍ କିଦେଂ ଆଡ୍ନାଟ୍ । ହୁଡ଼ାଟ୍  
ଏଚେକ୍ ହିରୁ ନାଣି ପିସ୍କି ଲାହାଂ ଏଚେ ଗାଜା ରାଡ୍ଡପା ନାଣି କାଚା  
ଆନାଟ୍ । ୬ ୱେୟୁଲ୍ ନାଣି ଲାକେ, ବେସି ବାନ୍ୟା ବିସ୍ତ୍ରେ ଜଗଡ୍ଡତ  
ବାଟ୍ଟି; ଆରେ ହେଦାଂ ମା ଗାଗାଡ୍ ବିଟାଡ୍ଡତ ମାଟିଲେ ବାନ୍ୟା କୁଟୁମ୍  
ମେଙ୍ଗ୍ଜି ମା ଝିଜାର୍ ମାନାୟାରିଂ ବାନ୍ୟା କିନାଟ୍ । ୱେୟୁଲ୍ ନି ନରକ୍  
ନାଣିତ ମା ସବୁ ଜିବୁନ୍ତିଂ କାଡ୍ କିନାଟ୍ । ୭ ଇନେକିଦେଂକି ଝିଜୁ ବାନି  
ପସ୍ତ୍, ପଟିଙ୍ଗ୍ ରାଙ୍ଗାନିକିଂ ଆରି ଏଜୁକାଂ ମାନି ଜାଡ୍କୁକାଂ, ମାନାୟ୍  
ହୁଦାଂ ନିଜ୍ ତଲ୍ୟା କିଜି ଇଟ୍ୟା ଆନାଟ୍, ୮ ମାତର୍ ୱେୟୁଲ୍ତିଂ  
ଇନେର ଇଟ୍ଦେଂ ଆଡୁନ୍, ବାନ୍ୟା କିନାକାତାଂ ତା ଜମନାକା ଆକାୟ୍  
ଜିବୁନ୍ନସ୍ ବିସ୍ତ ହେଦାଂ ବାଟ୍ଟି । ୯ ତା ପାଚେ ଆପ୍ ମାପୁ ଆରି  
ଆବାତି ଦନ୍ୟବାଦ୍ କିଜି ମାନାସ୍, ଆରେ ତା ପାଚେ ଇସ୍ପୁଡ୍ତି ତା  
ଲାକେ ଉବ୍ଜାଣ୍ ମାନାୟ୍ତିଙ୍ଗ୍ ରାଣ୍ ହିଜି ମାନାସ୍ ୧୦ ର, ଝେଇଦାଂ

ଦନ୍ୟବାଦ ଆରି ରାଣ୍ ହତନାଡ଼ । ଏ ନା ଟଣ୍ଡାର ଆରି ତଣ୍ଡେକ୍, ଇ ଲାକେ ଆନାକା ହାର୍ ଆକାୟ୍ ।<sup>୧୧</sup> ହଞ୍ଜିଜାରାଣ୍ ଇନାକା ର ହାଜି ହିଜି ହଞ୍ଜାଦ୍ ଆରି କେନାକା ରିବାନି ଏଜୁକ୍ ହପ୍ନାଡ଼ ?<sup>୧୨</sup> ଏ ନା ଟଣ୍ଡାର ଆରି ତଣ୍ଡେକ୍, ତଗା ମାର ଇନାକା ଜିଡ଼ ପାଡ଼, କି ଅଜୁର ମାରତ ଇନାକା ତଗା ପାଡ଼ ଆସ୍ତେଜ୍ ଆଡ଼ନାଡ଼ ? ହେ ଲାକେ କାର୍ଯ୍ୟା ଜାରାଣ୍ଡତ ହଞ୍ଜାଦ୍ ଏଜୁକ୍ ହିଦେଂ ଆଡୁଡ଼ ।

### ସାର୍ଗେତାଂ ଖାନି ଗିୟାନ୍

<sup>୧୩</sup> ମି ବିତ୍ରେ ଗିୟାନି ଆରି ବୁଦିକାର୍ଯ୍ୟା ଇନେର୍ ମାନାନ୍ ? ହେକ୍ସେନ୍ ଗିୟାନିନିକାନ୍ ହୁଦାର ଲାହାଜ୍ ଆଗାର୍ ବେବାର୍ ହୁକେ ଜାର୍ କାମାୟ୍ ହପେନ୍ ।<sup>୧୪</sup> ମାତର୍ ଜଦି ମି ଖାସ୍ତିତ କେନାକା ବେସି ରିସା, ଜାତ୍ ହୁଡ଼ନାକାନ୍ ଆରି ଗିଣ୍ ବାବ୍ନା ମାନାଡ଼, ତା ଆତିସ୍ ହାଡ଼ପା ବିରୁଡ଼ତ ଗରବ୍ କିମାଟ୍ ଆରି ମିର୍ ଇନ୍ମାଟ୍ ।<sup>୧୫</sup> ଇ ଲାକେ ଗିୟାନ୍ ସାର୍ଗେତାଂ ଖାଖାତାଡ଼ନା, ମତର୍ ହେଦାଂ ଜଗଡ଼ତାଂ, ଗାଗାଡ଼ତାଂ ଆରି ପୁଦାଂତି ଆନାଡ଼;<sup>୧୬</sup> ଇନେକିଦେଂକି ଇମଣି ବାହାତ ରିସା ଆରି ଗାବ୍ ମାନାଡ଼, ହେ ବାହାତ ଖିଜୁ ବାନି ଗଣ୍ଡଗଲ୍ ମାନାଡ଼ ।<sup>୧୭</sup> ମାତର୍ ଜପିତାଜ୍ ଖାତି ଗିୟାନ୍ ପର୍ତ୍ତମ୍ ପୁଇପୁୟା, ପାତେ ସୁସ୍ତାଖାରି, ହୁଦାର, ପା ଦୟା ହାର୍ଦି ପାଡ଼ଦ ପୁରାବାତ୍, ମୁକ୍ମେଟ୍ ଆରି ଗିଣ୍ ଆକାୟ୍ ।<sup>୧୮</sup> ଆରେ, ସୁସ୍ତାନିକାନ୍ ମାନାୟାର୍ ହୁଦାଂ ସୁସ୍ତାନି ବିୟାନ୍ ଖିତ୍ୟାନାଡ଼ ଆରି ଦାମ୍ ନିକା ଲାକେ ପାଡ଼୍ ତ୍ରେସନାର୍ ।

## ୪

### ଇସ୍ପର୍ତି ଲାଗେ ଆନାସ୍

<sup>୧</sup> ମି ବିତ୍ରେ ଜୁଜ୍ ଆରି ଟେସ୍କେ ମେସ୍କେ ଇନେକିଦେଂ ଆନାଡ଼ ? ମି ଖାସ୍ତିତ ଲାଗାଜି ମାନି ଦାର୍ଜା ନେ ଇଦାଂ ନି ମୁଡ଼୍ ବିସ୍ତେ ।<sup>୨</sup> ଏପେଜ୍ ଆହା କିଜି ମାନାଦେର୍; ମାତର୍ ପାୟା ଆଉଦେର୍; ଏପେଜ୍ ଅହନାକା ଆରି ଡାରା କିଜି ମାନାଦେର୍, ମାତର୍ ପାୟାଦେଂ ଆଡୁଦେର୍; ଏପେଜ୍ ଟେସ୍କେ ମେସ୍କେ ଆରି ଜୁଜ୍ କିଜିମାନାଦେର୍; ଏପେଜ୍ ଗାଟା ଆଉଦେର୍, ଇନେକିଦେଂକି ଏପେଜ୍ ଇସ୍ପର୍ତିଂ ଏନୁଦେର୍; <sup>୩</sup> ଏପେଜ୍ ଏଜ୍ଜାନାଦେର୍, ମାତର୍ ପାୟା ଆଉଦେର୍



ଇନେକିଦେଂକି ଜାର୍ ଜାର୍ ସୁକ୍‌ଆହାତ କର୍ଷ କିନି କାଜିଂ ବାନିୟା ଆହାତ ଏନ୍‌ନାଦେରା । ୪ ଏ ଦାରୁଲାର୍, ଜଗତ୍‌ନି ବନ୍ଧୁ ଇସ୍‌ବରତି ସାତୁ ଇଦାଂ ଇନାକା ପୁନୁଦେରା ? ଲାଗିଂ, ଜେ ଇନେର୍ ଜଗତ୍‌ତ ବନ୍ଧୁ ଆଦେଂ ମାନ୍ କିନାନ୍, ହେଞ୍ଜାନ୍ ଜାର୍‌ତିଂ ଇସ୍‌ବରତିଂ ସାତୁ ଇଞ୍ଜି ହନାତ୍ । ୫ ଏପେଙ୍ଗ୍ ଇନାକା ଦରମ୍ ସାସ୍‌ବର୍ ଇ ବଚନ୍‌ତିଙ୍ଗ୍ ପଲ୍ୟା ଇଞ୍ଜି ମାନେ କିନାଦେରା, “ଇମ୍‌ଣି ଜିବୁନ୍‌ତିଂ ଇସ୍‌ବର୍ ମା ବିତ୍ରେ ବାହା କିଦେଙ୍ଗ୍ ହିତ୍‌ତାନ୍ନା, ହେଞ୍ଜେନ୍ ମାଙ୍ଗେଙ୍ଗ୍ ପୁରା ଆଦିକାର୍ କିନି କାଜିଙ୍ଗ୍ ରବେ ଇଚା କିନାନ୍,” ୬ ମାତର୍ ହେଞ୍ଜେନ୍ ପା ଆଦିକ୍ ଉପକାର୍ ଦାନ୍ କିଦନାନ୍; ଲାଗିଂ ସାସ୍‌ବର୍ତ ହେଦାଂ ଲେକା ମାନାତ୍ “ଇସ୍‌ବର୍ ଆକ୍ରିୟାରିଂ ବିରୁତ୍ କିନାନ୍ ମାତର୍ ହୁଦାର୍ ମାନାୟାରିଂ ଉପକାର୍ ଦାନ୍ କିନାନ୍ ।”

୭ ଲାଗିଂ ଏପେଙ୍ଗ୍ ଇସ୍‌ବର୍ ଲାଗାଂ ଜାତର୍ ହେଲ୍ଲାଇୟ୍ କିୟାଟ୍ । ସୟତାନ୍‌ତିଂ ବାହାହିମାଟ୍, ତାଆତିସ୍ ସୟତାନ୍ ମି କଚଣତାଙ୍ଗ୍ ହାନାତ୍ । ୮ ଇସ୍‌ବର୍ ଲାଗାଂ ଆତ୍, ହେବେ ହେଞ୍ଜେନ୍ ମି ଲାଗାଂ ଆନାନ୍ । ଏ ପାପିୟାଟ୍, ମି କେଇ ସକଟ୍ କିୟାଟ୍, ଆରେ ଏ ରିମାନ୍ୟା କାଦେର୍, ମି ମାନ୍‌ତିଂ ନିର୍ମଲ୍ କିୟାଟ୍ । ୯ ବିତ୍ରେଦୁକ୍ ଆରି ଏଡ୍‌କିଜିକ୍‌ଜି ଆଡ୍‌ବାନାର୍, ମି ଅପ୍‌ମାନ୍ ବାତର୍ ଆୟେଡ୍; ମି ଖାରି ଖାରିହିଲ୍‌ଞ୍ଜିତ ବାତର୍ ଆୟେଡ୍ । ୧୦ ମାପୁତି ମୁମ୍‌ଦ ଜାର୍ ଜାର୍‌ତିଂ ତଲ୍ୟା କିୟାଟ୍, ତାଆତିସ୍ ହେଞ୍ଜାନ୍ ମିଙ୍ଗେଙ୍ଗ୍ ଉର୍ କିଦନାନ୍ ।

### ଲକାର୍‌ତି ବିଚାର୍ କିମାଟ୍

୧୧ ଏ ଟଣ୍ଡାକାଦେର୍ ଆରି ତଣ୍ଡାଦେକାଦେର୍, ଏପେଙ୍ଗ୍ ହାରି ବିରୁତ୍ ଆମାଟ୍; ଇନେର୍ ଟଣ୍ଡେନିଙ୍ଗ୍ ବିରୁତ୍ କିନାନ୍ କି ଟଣ୍ଡେନ୍‌ତି ବିଚାର୍ କିନାନ୍, ହେଞ୍ଜାନ୍ ବିଦିନି ବିରୁତ୍ କିନାନ୍ ଆରି ହେବେନି ବିଚାର୍ କିନାନ୍; ମାତର୍ ଏପେଙ୍ଗ୍ ଜଦି ବିଦିନି ବିଚାର୍ କିନାଦେରା, ତା ଆତିସ୍ ଏପେଙ୍ଗ୍ ବିଦି ପାଲି କିନାକା ଆଞ୍ଜାଦାଂ ହେବେ ବିଚାର୍‌କାର୍‌ୟା ଆନାଦେର୍ । ୧୨ ବିଦିନିକାନ୍ ଆରି ବିଚାର୍ କିନାକାନ୍ ରକାନ୍ ମତର୍ ଇସ୍‌ବର୍, ହେଞ୍ଜେନ୍ ରାକ୍ୟା ଆରି ନସ୍‌କିଦେଂ ଆଡ୍‌ନାନ୍; ମାତର୍ ଜାର୍ ଲକ୍‌ବିଂ ବିଚାର୍ କିନାଦେରା ଜେ ଏପେଙ୍ଗ୍, ଏପେଙ୍ଗ୍ ଇନେର୍ ?

### ଗରବ୍ କାଜିଂ ଚେତନା

୧୩ ନଙ୍କ ହୁଡ଼ାଟ୍, ଇମ୍ନାକାର୍ ଇନାଦେରା, “ନେଞ୍ଜେଙ୍ଗ୍ କି ଓଁଗା ଆସେଙ୍ଗ୍ ଅମ୍ନକ ବସ୍ତିତ ହାନାୟ୍ ଆରି ହେବେ ର ବାହୁଁ ପାତେକ୍ ମାନଞ୍ଜି ବେପାର୍‌ବାଟ୍ କିଜି ଲାବ୍ କିନାୟ୍,” ୧୪ ମାତର୍ ଓଁଗା ମି ଜିବୁନ୍‌ତ ଇନାକା ଗିଟାଆନାଡ୍, ହେଦାଂ ତ ଏପ୍ ପୁନ୍‌ଦେର୍ ! ମି ଜିବୁନ୍ ଗୁକ୍‌ଟା ଲାକେ, ଦାପ୍ରେ ଚଞ୍ଜୟାଜି ପାତେ ଚାନେକ୍‌ତିଂ ଉମ୍‌ଜି ହାନାଡ୍ । ୧୫ ଲାଗିଂ ମିଦାଂ ଇନାକା ମାନାଡ୍, “ମାପୁତି ଇଚା ଆତିସ୍ ଆପ୍ ଜିବୁନ୍ ମାନଞ୍ଜି ଇଦାଂ କିନାସ୍ କି ହେଦାଂ କିନାସ୍, ଇ ଲାକେ ଇନାସ୍ ମି ଲଡ଼ା ।” ୧୬ ମାତର୍ ନଙ୍କ୍ ଏପେଙ୍ଗ୍ ଜାର୍ ଜାର୍ ଆକ୍ରିୟା ବାବ୍ରେ ଗରବ୍ କିନାଦେରା; ଇବାନି ଗରବ୍ ବାନିୟା ଆନାଡ୍ ।

୧୭ ଲାଗିଂ, ଇମ୍‌ଣି ମାନାୟ୍ ଇମ୍‌ଣି ହାର୍‌ଦି କାମାୟ୍ କିନି ଲଡ଼ା ଇଞ୍ଜି ପୁନ୍‌ଞ୍ଜି ପା ହେଦାଂ କିଉନ୍, ହେଞ୍ଜାନ୍ ପାପ୍ କିନାନ୍ ।



### ମାଜାନ୍ ମାନାୟାର୍ କାଜିଂ ତେଡ୍‌ନ

୧ ନଙ୍କ୍ ହୁଡ଼ାଟ୍, ଏ ହାଉକାରିଂ, ମି ଖାନି ଦୁକ୍ କାଜିଙ୍ଗ୍ ଆଡ୍‌ବିସ୍ ଆରି ଦୁକ୍ ଆଡ୍ । ୨ ✨ମି ଦାନ୍ ଓଁସ୍‌ଦି ଖାତାତେ, ମି ହେୟା ଲିମ୍ ଚିଚାତେ, ୩ ଆରେ ମି ହନା ଆରେ ରୁପା ପ୍ରାଲ୍ ଆସ୍ତାତେ; ହେବେତାଂ ପ୍ରାଲ୍ ମି ବିରୁଡ୍‌ତ ସାକି ହିନାସ୍ ଆରି ନାଣି ଲାକେ ମି ଜେଇ ଡିଞ୍ଜନାଡ୍ । ଇ ଓଁସ୍ତି ଦିନ୍‌ତ ଏପେଙ୍ଗ୍ ଦାନ୍ ଇସ୍‌ପାତାଦେର୍ଣ୍ଣା ! ୪ ଖେନାଟ୍ ମି ବାଡ୍‌ଦ ତାସ୍ ତ୍ରେଜ୍‌ନାକାରିଂ ବୁଡିତାବୁଙ୍ଗ୍ ହିଞ୍ଜାତାଦେର୍ଣ୍ଣା । ହେଞ୍ଜାର୍‌ତି ଏପ୍ ଇମ୍‌ଣି ମୁଡ୍ ହିଦ୍‌ଖାତାଙ୍ଗ୍‌ନା ହେଦାଂ ବିଲ୍‌କିଆନାରା, ଆରେ ତାସ୍ ତ୍ରେଜ୍‌ନାକାର୍‌ତି ରୁଣ୍ଡାୟ୍ ଦାନ୍ ଓଁଜେଡିଂ ପୁନି ମାପୁ ଇସ୍‌ର୍ ଖେଚାନ୍ନା । ୫ ଇ ଜଗଡ୍‌ତ ମି ଜିବୁନ୍ ଦାର୍ଜାତ ବଗ୍ କିନାଦେରା ହାନି ଦିନ୍ତୁନି ପସୁ ଲାକେ ଏପ୍ ମାନ୍ତ ଦୁମା ଆତାଦେର୍ଣ୍ଣା । ୬ ଏପେଙ୍ଗ୍ ଦାମ୍‌ଙ୍ଗ୍ ଦସ୍‌ହିଓଁ ଲଗାଂ ଦସ୍‌ଆହି କିଜି ଚୁଟାଦେର୍ଣ୍ଣା; ହେଞ୍ଜାର୍ ମିଙ୍ଗେଙ୍ଗ୍ ଦସ୍ କିଦୁଞ୍ଜାତାର୍ଣ୍ଣା ।

### ସାସ୍ ଆସ୍ତି ପାର୍ତ୍ତନା କିୟାଟ୍

✨ ୫:୭ ୫:୭ ମାତିଉ ୭:୧୯.

<sup>୭</sup> ଇତିସ୍, ଏ ଟଣ୍ଡାର ଆରି ତଣ୍ଡେକାଦେର୍, ମାପୁତି ଖାନି ପାତେକ୍ ସାସ୍ ଆସ୍ତି ମାନାଟ୍ । ହୁଡ଼ାଟ୍ କାମଲିୟା ମେଦ୍‌ନିତ ଦାମ୍‌କିୟା ପାଡ଼୍, ଗାଟାଆନି କାଜିଙ୍ଗ୍ ସାସ୍ ଆଜି ଆଗେ ଆରି ଖିଜ୍‌ନି ବାଠ୍‌ହା ଆଖି ପାତେକ୍ କାସି ମାନାନ୍ । <sup>୮</sup> ଏପେଙ୍ଗ୍ ପା ସାସ୍ ଆଜି ଜାର୍ ଜାର୍ ଖାସ୍ତି ସୁସ୍ତା କିୟାଟ୍, ଇନେକିଦେଂକି ମାପୁତି ଖାନିଦିନ୍ ଲାଗାଂ ।

<sup>୯</sup> ଏ ଟଣ୍ଡାର୍ ଆରେ ତଣ୍ଡେକାଦେର୍, ଏପେଙ୍ଗ୍ ଇନେସ୍ ତାଣ୍ ପାୟା ଆମାଟ୍, ଇଦାଂ କାଜିଙ୍ଗ୍ ହାରି ବିରୁଡ଼ତ ଗାଣ୍‌ଜୁ କିମାଟ୍, ହୁଡ଼ାଟ୍ ବିଚାରକିନାକାନ୍ ଦୁଖେର୍ ଲାଗାଂ ନିଲ୍‌ତାନ୍ନା । <sup>୧୦</sup> ଏ ଟଣ୍ଡାର୍ ଆରେ ତଣ୍ଡେକାଦେର୍ ଇମାଣି ବେଶ୍‌ବାକ୍‌ଶାୟକିନାକାର୍ ମାପୁତି ତରଦାଂ କାତା ଇଞ୍ଜି ମାଟାର୍, ହେଞ୍ଜାରିଂ ଏଡ଼ କିୟାଟ୍ । ଦୁକ୍ ବଗ୍ ଖେଡ଼ାଲିଂ ସାସ୍ ଆରି ହୁଦାର୍ ଆତିଲେ ହେଞ୍ଜାର୍ ମିଦାଂ ଉତରମୁଡ଼୍ ଲାକେ ଆନାର୍ । <sup>୧୧</sup> ହୁଡ଼ାଟ୍, ଇମାଣାକାର୍ ଦାମ୍ ଆଜି ମାଟାର୍, ଆସେଙ୍ଗ୍ ହେଞ୍ଜାରିଂ ଦନ୍ୟ ଇଞ୍ଜି ଇନାସ୍ । ଏପେଙ୍ଗ୍ ଆୟୁବତି ଦାମ୍ ବିସ୍ତେ ଖେଟାଦେଣ୍ଟା । ଆରେ ମାପୁତି ଖିସ୍ତି କାମାୟ ହୁଡ଼ଜି ପୁଟାଦେଣ୍ଟା ଜେ, ହେଞ୍ଜେନ୍ କାର୍ମାତାଙ୍ଗ୍ ବାତ୍ ଆରି ଖାରିନିକାନ୍ ଆନାନ୍ ।

<sup>୧୨</sup> ଲାଗିଂ, ଏ ନା ଟଣ୍ଡାର୍ ଆରି ତଣ୍ଡେକାଦେର୍, ପାର୍ମାଣ୍ କିମାଟ୍ ସାଗେନି ପାର୍ମାଣ୍ ଆଏଡ଼ କି ପୁତ୍ ନି ପାର୍ମାଣ୍ ଆଏଡ଼, ବିନ୍ ଇମାଣାକା ପା ବିସ୍ତେ ଅଜି ପାର୍ମାଣ୍ ଆଏଡ଼; ମାତର୍ ମିଦାଂ “ଆଁ” କାତା ଆଁ ଆଏଡ଼, “ଆକାୟ” କାତା ଆକାୟ ଆଏଡ଼, ଇନେସ୍‌କି ଏପେଙ୍ଗ୍ ବିଚାରତ ତାଣ୍ ପାୟା ଆମାଟ୍ ।

<sup>୧୩</sup> ମି ବିତ୍ରେ ଇନାକା ଇନେର୍ କସ୍ ବଗି କିନାନା ? ହେଞ୍ଜେନ୍ ପାର୍ତାନା କିଏନ୍ । ଇନେର୍ ଇନାକା ଖାରିନିକାନ୍ ଆନାନ୍ ? ହେଞ୍ଜେନ୍ ଖାରିନିକା କେର୍‌କଣ୍ କେରେନ୍ । <sup>୧୪</sup> ମି ବିତ୍ରେ ଇନାକା ଇନେର୍ ବେମାର୍ ? ହେଞ୍ଜେନ୍ ମଣ୍ଡଲିନି ପ୍ରାଟିନାରିଙ୍ଗ୍ କୁକ୍‌ତି; ହେଞ୍ଜାର୍ ମାପୁତି ତରଦାଂ ଚିକାଣ୍ କାସ୍‌ଦି ତା କାଜିଙ୍ଗ୍ ପାର୍ତାନା କିୟେର୍ । <sup>୧୫</sup> ପାତ୍ ମେହା ପାର୍ତାନା ହେ ବେମାର୍‌ନିକାନିଙ୍ଗ୍ ରାକ୍ୟା କିନାଡ଼୍, ଆରେ ମାପୁ ତାଙ୍ଗ୍ ନିକ୍‌ନାଡ଼୍; ଆରେ ଜଦି ହେଞ୍ଜେନ୍ ପାପ୍ କିଜି ମାନାନ୍, ତା ଆତିସ୍ ତାଙ୍ଗ୍ କେମା ହିଆନାଡ଼୍ । <sup>୧୬</sup> ଲାଗିଂ, ହାରି

☆ ୫:୧୪ ୫:୧୪ ମାର୍କ ୭:୧୩.

ଲଗାଂ ଜାର୍ ଜାର୍ତି ପାପ୍ ଏଡୁକିୟାଟ୍, ଆରେ ଉଜ୍ ଆନି କାଜିଙ୍ଗ୍ ହାରି କାଜିଂ ପାର୍ତ୍ତନା କିୟାଟ୍ । ଦାମ୍ ମାନାୟତିଂ ସାକ୍ତି ପାର୍ତ୍ତନା ଆଦିକ୍ କାମାୟତ ଲାଗାଦେଂ ଆଡ଼ଦାନାଡ଼ । <sup>୧୭</sup> ଏଲିୟ ମା ଲାକେ ସୁକ୍ ଦୁକ୍ ମାନାୟ ମାତାନ୍; ବାର୍ହା ଆଞ୍ଜି କାଜିଙ୍ଗ୍ ହେଞ୍ଜାନ୍ ର ମାନ୍ତ ପାର୍ତ୍ତନା କିତାନ୍, ଆରେ ତିନି ବାର୍ହୁଁ ଚ ମାସ୍ ପାତେକ୍ ପୁତ୍ ବାର୍ହା ଆଞ୍ଜାତାଡ଼; <sup>୧୮</sup> ହେଞ୍ଜେନ୍ ଆରେରଗ ପାର୍ତ୍ତନା କିତିଲେ ବାଦାଡ଼ତାଂ ବାର୍ହା ଆତାଡ଼, ଆରେ ପୁତ୍ ଆରେରଗ ପାଡ଼ ଉବ୍ଜା ଆତାଡ଼ ।

<sup>୧୯</sup> ଏ ନା ଟଣ୍ଡାର୍ ଆରି ତଣ୍ଡେକାଦେର୍, ମି ବିତ୍ରେ ଜଦି ଇନେର୍ ହାଡ଼ପା ହାଜିଡ଼ାଙ୍ଗ୍ ବାଶାନାନ୍, ଆରେ ଇନେର୍ ତାଙ୍ଗେଙ୍ଗ୍ ତାହିଞ୍ଜାନାନ୍, <sup>୨୦</sup> ☆ଲାଗିଂ ଇନେର୍ ପାପିଙ୍ଗ୍ ବାନିୟା ହାଜିଡ଼ାଙ୍ଗ୍ ତାହିଞ୍ଜାନାନ୍, ହେଞ୍ଜେନ୍ ଜେ ତା ଖାସ୍ତିଂ ହାକିତାଂ ରାକ୍ୟା କିନାନ୍ ଆରି ବେସି ପାପ୍ କେମା ଆନାଡ଼ ଇଦାଂ ପୁନାଟ୍ ।

---

☆ ୫:୨୦ ୫:୨୦ ୧ ପିତର୍ ୪:୮.

**ସତ୍ ବଚନ୍**  
**The New Testament in the Pengu language of India:**  
**ସତ୍ ବଚନ୍**

copyright © 2020 The Word for the World International

Language: Pengu (Pengo)

Contributor: The Word for the World International

**ସତ୍ ବଚନ୍**  
**ପୁନି ନିର୍ମାଣ, 2020**

The New Testament in Pengu Language.

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-13

---

PDF generated using Haiola and XeLaTeX on 13 Jul 2024 from source files dated 14 Apr 2023

347138c8-2363-58d9-a1b0-0259691b7d43